

مکتبہ عالیہ دارالعلوم

۱۸ نجفی سنہ

غرمہ جادی اولی ۱۳۱۵

جزو، عدد : ۶۹





پارسدن لوندرهيه - و - اوتل متروقول

(مابعد عن جزؤ ٦٨)

اورقوباليرك فراق كيمكدن مقصددلري يكنسق گيمش اولمقدن عبارتدر . معلومدركه (اونيفقورم) نسق واحد ، و سباق واحد ، و يك طرز ، و بر بجم گي مدلوللري افهام ايدركه اساساً عسكري صنفك يك طرز اولان قياقتلري اعتباريله اصطلاح اولمشدر . مراسم مخصوصه تشريفاتيه اوزره گيمك عموماً عسكلره مخصوص اولديغي گي ، بعض ممالكده هر صنف رجال دولتك على مراتبهم نسق واحده كيدكلري اليه سيه دخی (اونيفقورم) نامی و يريلور . بؤ اصول تشريفاتيه نك كندی داره سنده بعض تعديلات ايله بيوك اونيفقورمه و كوچك اونيفقورمه گي تعبیرلره ايكي نوعی دخی واردر . ايسته صفت عسكريه و يار سمييه اولميان خلقك مجتمعا بر ضيافته ، و يار بالوده ، بر دوكونده ، حاصلی رسمييه قريب بر دعوتده بولندقلري زمانه مخصوص بر قياقت اکتساب ايتلري اودعوت اولندقلري محلك بر نوع رسم تشريفاتيسي ديمك دركه بؤده او محل حقده مدعوين طرفدن متحم الايفابر حرمت ديمكدر . بناء عليه بر حكومت نامنه اوليه رق بر بيوك ذات طرفسدن وقوع بولان دعوتلره اجابت ايدن مدعوين فراق دينلان اوکي آچيق ستره ايله آشاغي طرفي اوچ دوکملی و گوکسی آچيق بر سياه يلك و بر پانظولون کيمکه و تمیز بر کوملكله بيض بر بيونباغي طاققه و الارنده بر جفت بيض کودری الديون بولنديرمه و سياه چوراب اوزرينه يوزليجه بر اسقاربن کيمکه مجبوردر . ايسته (سيويل) دينلان اونيفقورمه يعنی يکنسق قياقت بودر .

اوانلده پارسك بيوك اوتلارنده كي (تابل دوت) صالونلرينه دخی بؤ صورته

کیریلور ایدی . فقط فرانسلر مؤخرأ بۇ اصولی ترک ایله خلقی قیاقجه سربست
براقخی منفعتلرینه دها موافق بولمشلردر . انگلترده ایسه بۇ قاعده الیوم جاریدر .
آنرا اتخاذ ایتش اولدقنری اصولی قولای قولای ترک ایتمزلر . حتی اورته
حالی بر انگلیز عالمسی کندی اولادو عیالیه طعام سفره سنه اوطوردینی زمان بیله
بۆبله بر قیافت اکتساب سنه مجبوردر . انگلتره نك متروپول قیلندن اولان بیوک
اوتلری مشتریلرندن بۇگي مراسمه اسیر اولقی استیانیلر ایچون برده (آلا قارت)
(یعنی طعام بوسله سنده نوعلری محرر اطعمه دن استدیگنی اصهارلغه مخصوص نك)
صالونی دها کشاد ایتمشلردر . بۇ صالونه هر بر محله کیریله بیله جك تمیزجه بر قیافت
ایله دخول سربستدر . یعنی بن بر چاکتله کیردیگم حالده ، سن برده دنفوت ایله ،
وبری آچیق رنگ بر قوس توم گینش اولدینی حالده ، بر بشقه سی قویو رنگلی
بر لباس ایله گیره بیلور . شو قدرکه هرکس کندینه یاقیشه جق و عالمه گولنج اولیه جق
بر طرزده گینش اولمیدر .

رجال ایچون تعریف ایلدیگمز بۇ قیافت یکنسقه مقابل اولیه یرلرده بولنه جق
نسوانك دخی یالکز بیجم اعتباریه قیافتلری یکنسقدر . یعنی نسوان عموماً
(ده قولنه) دیسلان و یالکز ایکی پارمق عرضنده برقاش پارچه سی ویا بر قورده لایله
اوموزلرندن ربط ایدلمش کوكسی مملرینه قدر و آرقه سی ایکی کورك میککلرینك آشانی
قسماریله موازی صورتده آچیق بر فستان گیمگه مجبوردرلر . الوان ایچون بر قید
مخصوص اولیوب هرقادین کوكلنك خوشلندی رنکده بر لباس گیمکده مختار ایسه ده
اکثریت اوزره بیاض (موصلین) یعنی بورونجك و یاسیاه آطلاسدن بر فستان گینلری ،
وقار کبارانه یی خازر عد ایدرلر . باشلرینه ایسه تکلفسزجه بعض صنایع چچک ،
ویا قیمت مادیه سنندن زیاده قیمت صنایعه سی اولان متفوس بر طراق ویا ایکی بیوک
طوبلی طاقارلر . اوموز باشلرندن بیلکلرینه قدر آچیق اولان قوللری ایسه
(آلامادام پومپادور) دیسلان دیرسکلره قدر اوزون بر الیون ایله قسماً سترایمك بو
قیافتك تمماتنددر . حتی بیلازیک بیله بوالدیونك اوزرینه طاقیلور . ارککلر یلکلرینك
دوگمه سنه ساعت قوردونی بیله طاققلری حالده قادینلر آلتوندن ، اینجودن ،

مجوهر دن گردنك، كوكسلك طاقفده مختاردر لر . عموماً نسوان ورجال، خان
داخلنده باشلری آچیق بولمق جمله تشریفاندنر .


ایشته طعام ایتمك استدیكمز تابل دوت سالوننه مخصوص قیافت تشریفاتیه بوندن
عبارتدر .

✱

گنوبده اوطه دن چیقدیغ وقت ساعت آلتی بی چاریك کچوردی . طعام وقتیه
تمام بر ساعت اوچ چاریك زمان وار . بو مدت ایچنده اوتلك زمین قاتنده
شایان تماشا اولان یرلری گرمگه باشلادم . اوتلك سوقاق قپوسندن بر برینه مواجه
وایکشر متره فاصله ایله ایکی جاملی قپودن گیریلرک ایکی باصامقلی زردبانله بر صفیه
چیقیلورکه، بوراسی (وستیول) یعنی بۇجه سی قپالی حولی ویاو آلتی در . بو حولی
تقریباً هر ضلعی اون ایکشر مترودن عبارت مرابع بر صفه درکه درت کوشه سنده
دردردن اون آلتی قطعه، و اقتر متره ارتفاعنده سیاه صماکی دیرگی حاویدر . زمینی
(موزاییق) تعبیر اولان ملون خورده طاشلرله ترکیب اولمیش اشکال گوناگون ایله
منقوش و اوقدر مجلادرکه اوزرنده گرنلرک اندامی عکس ایدر . سوقاق قپوسندن
دخول اعتباریله صاغ جهتنده غایت جسم و فوق الغایه مزین براوجاق اوله رق،
ایچنده کی مخحرک اسقره اوزرنده ایکی آدمك کوچلرکله قالدیره بیله جگی برجسامتده
قوجه پارچه بر معدن کموری یانمقده در . انگلترده بویله اوجاقلرده یاقیلان کمورلر
بزده اولدیغی کبی اوافق پارچهلر دکل ، علی العموم بویله یکپاره بیوک کمورلدر .
بۇ اوجاقلر، بواندقلری محللری تسخیندن زیاده اقساكت لهیبیلله منظره تی ترین ایچون
یابلاشدیر . یوقسه گرك اوتلارده ، گرك اولرده وسائط تسخین (قاوریر) [
انواعندن عبارتدر . بۇ اوجاغك اوزرنده غایت جسم بر آینه واوگنده ده طونباقدن
محمول غایت مکلف بر ساعت موضوعدر . اوجاغك صاغ طرفنده تابل دوت
سالوننك قپوسی ، وصول جهتنده قطیفه کچلر قاپلانمش بیوک بر انگلیز قانابه سی
ایله ایکی قولتوق، و آنك قارشوسنده کی کوشه دینه عینیله بر قانابه ایله ایکی قولتوق،
و حولی به دخول اعتباریله جبهه د بش متره طولنده بر بیوک قانابه ایله درت بیوک
قولتوق ، و هر دیركك قاعده لرینه طایالی برر بیوک صندلی بولمقده در . دیوارلر

عموماً كتابلره تقسيم اولموش رنك رنك صماكي لوحه لريله قاپلانمشدر . يالنگر جبهه
 جداري قانايه لرك متكاسندن طوانك قورنشنه قدر آينه لرله طواندلمش . بو آينه لر
 بر صره ده درت ديرگك آزملرنده موضوع اولديغندن حولنك ديگر بر قسمي
 ظن اولنه جق قدر اغفال نظره خدمت ايتمكده در . ديركارك هر برنده وديوار
 كتابه لرينك اورتولرنده يالديزلي ياپراقلر آرمسندن فرلامش متعدد ايلكتريق
 آرمودلري مربوطدر . طوان متعدد مربعات مقعره دن متشكل غايت صنعتكارانه
 قبارتمه تزينات مذهبي شامل اوله رق هر مربعك اورتولسندن صارقش درلو درلو
 چيكلر برر ايلكتريق فانوسني و مربعاتك نقاط متقاطعه سندن صارقيدلمش
 ايلكتريق لامبه لرني حاويدر . بۇ صفه ده جاني استيان قادين اركك استديكي
 قدر استديكي يرده اوتورير . غننه ، كتاب اوقور . زيارتنه گلنلره قونيشور .
 بلاتكلف سيغاره ايجه بيلور . اوتورمق استميانلر آياق اوزرنده طولاشور . آياق
 اوزرنده قونيشور . براركك سوقاق قپوسندن ايچرو كيركن ويا برقادينه قهرله آشنالق
 ايدجكي زمان فرانسه ده اولديغي كي شابقه چيقارمقله مكلف بولمخ . هله الك غريبي
 اق قوجه صفه ده اوتوران ، كرن ، لقردي ايدن لاقل يوز يوز المي كشي ايچنده
 حيزايجه بر سوز سويليان بولمخ . حيرت افزا برسكون . شايان تقدير بر تربيه .
 سزاوارستايش بر عفت رونادر . بۇ صالوني شويله جه بر نظاره يه اوردقدن صكره
 اوجاغك مقابله طوغري اوتلك ايچرو جهته يوريدم . صاغ طرفده پنجره سي
 بر محل اوله رق اوزرينه (Cook & son) يعني (قوق واولادي) عباره سي محرر
 بر لوحه تعليق ايدلمش و پنجره نك ايچ طرفده ايسه ايكي كشي اوتورمقده بولموش
 ايدى . معلومدركه (بوقوق ، وسائط نقليه مدينه نك واصل اوله پليديكي كافه ملك
 وبلدانه سياحت ايتك استيانلره استديكي واسطه نقليه مخصوص بيت ويرر بر
 اداره در . اكثر بلاد مشهوره ده حتى بزم استانبولده بيله اداره سي اولديني كي ،
 ارباب سياحته سهولت اولق ايچون بيله بيوك ووزقاري كترتلي اولان اوتلرده
 برر اداره سي واردر .)

بونك قارشوسنده موصللرك مقصوره سي واردر . بو مقصوره ايكي مترق



لوندرنه نك ۸۳۵ اوطه وصالونی شامل متروپول اوتلی

عرضنده و بش مترق طولنده ماوون آغاچندن معمول طوغرا مه لرله تشکيل اولمخس اوکلری بیککلی اوچ کنیش بنجره ایله یان طرفده برده مدخلدن عبارتدر. بنجره لرك مقابله کی دیوار (۸۳۵) بولمینی و هر بولمك اوزرنده بر نومرو ایله برده اختار چككالی شاملدر. ایسته اوتل متروپولك آلتی طبقه ده حاوی اولدینی ۸۳۵ اوطه نك اختارلری عموماً بو مقصوده بولنور .

انسان بر اوتله کیرنجیه هویت شخصیه سنك اقامت ایتدیگی اوطه نك نومروسندن عبارت بولندیغه واقف اولسی بك غریب اولیور. هیچ کیمسه، ولو بر میلیون صاحبی تاجر و یا ارباب اصلندن بری اولسون اسمیه یاد اولنور. هر کس اوطه سنك نومروسیه چاغریلور. و آکیلور. بو مقصوده داخلنده بر اشف هول پورترا یعنی اوتلك باش موصلی ایله بش نفر معاونی بولنه رق. اوتله ده اقامت ایدن ذواته گلان مکتوبلر بومامورلر معرفتیه هر کسك نومروسی محرر بولمسته قونیلور. و کندوسی اوطه سنده ایسه ایکنجی اوچنجی درجه ده کی رفقای اولان و وظیفه لری اوطه لره توزیع و ایصال اشیا و محررات ایله اوتلك قازینو و قرانت و یا استراحت سالونلرنده بولان مسافرین ایچون گلان زواری اخبار اتمك اوزره مطلوب اولان ذاتی آرایوب بولمقدن عبارت بولان اوزر اون ایکسیر یاشنده کی چو جققلره ایفا ایدیلور. بو معامله اوقدر انتظام و سرعته اجرا ایدیلور که گویا دون اوتله گیرمش اولان بر آدم، بر سنده نبرو اق اوتله ده اقامت ایدیلورمش کبی کرک مأمورلر، و کرک موزعلك و مخبرلك ایدن چو جققلر طرفندن طانیلور.

اوتلك نردبانی او مقصوده ایله قارشو قارشویه در. فقط بعضاً اینان کوریلور چیقانه هیچ تصادف ایدلمز. (احتمال که فرهنگ شعورینك احتوا ایتدیگی کلمات فارسیه یی پوستیکی صایار گبی اوتور و بده بالالتزام تعداد اتمکی دلائل اتقن معارفدن عد ایدن طفره فروشان لغاتدن بری اولسه ایدی نردبانلرك قاچ باصامقدن عبارت اولدینی او کرتمك ایچون آلتنجی طبقه یه قدر قادمه جنبان اولور ایدی.)

نردبانك اتصالده (آسانسور) مصعاد بولمخسده در. بو مصعاد (ایدرولیك) یعنی تضییق بالما، ایله اداره اولنور. اصصعاد و تنزیل ایچون متعدد مأمورلری

اوله رق هر مأمور ایکشیر ساعت ایضای خدمتله مکلفدر . آلتی طبقه نك آلتیسنده
 هر دقیقه جیقوب اینر . بونلر موصللر کبی فرانسز لساننده آشنادرلر . چونکه
 مشتریلرک ایچنده بنم کبی انگلیزجه سلیانلر اوتوردیغی طبقه نك فرانسزجه سولیکه
 مجبوردر . اگر بونلر فرانسزجه سلیه جک اولسه بر مشتری آسانسوری بولدیغی
 طبقه واصل اولنجه کنیدیسی طور دیرمق لازم گلور . بونلردن برینه صوردم .
 وسطی اوله رق ساعتده قرق دفعه اصعداد و تنزیل معامله سی اجرا اولنیورمش .
 طبیعی بو معامله نصف الیلدن صکره صباحک آلتیسنه قدر بلکه ساعتده بره ایکی به
 تنزل ایدر . فقط ۱۸ ساعت علی السویه رفع و تنزیل .

آسانسورک ایچنه گیریلنجه داراً مادار نفیس قماش قاپلانمش اوتوره جق بیکلر
 واردر . اوتلک ایچنده خارجدن گلان بر آدم و یا بر قادیله آشای ملاقاتده برارکک
 شابقه جیقارمغه مجبور اولدیغی بالاده افاده ایلش ایدک . یوراده امر بر عکسدر .
 آسانسورک ایچنه گیروبده اوتوردقدن صکره بر قادین گیره جک اولورسه باشنده
 شابقه سی بولنان بر آدم او قادین استرسه الک فقیر و او آدم دخی زمرة اکابر دن
 بولسون ، شابقه سی جیقارمقله برابر یرندن قیام ایله آیاقده طورمق لوازم حرمتدندر .
 آتی ایفا ایتمامک ایسه الک بیوک تربیه سزلک صاییلور . بالفرض آسانسورک بیکلرنده
 اون ارکک اوتوردمش بولنسه ده مؤخر آ اوچ درت قادین گیره جک اولسه اوتوران
 ارککلرک کافه سی یرلرندن قیام ایله قادیلرله تخصیص مقام ایتملری وقادینلر آسانسورده
 بولندیجه بردها اوتورده ماملری بو آسانسور اصول تشریفاتیه سیندندر .
 [مابعدی نسخه تالیفه]

ابوالضیا توفیق

